



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 97. Dixit illi Iesus: tu dixisti. v. 64.

urn:nbn:de:hbz:466:1-45515

Domine Iesu procul hæc cogitatio à me facessat, ut velim inducere malum super proximū quoquis modo, sed hanc gratiam mihi Deus addat ut ad omne bonum proximum alliciam, prædicando, exhortando, suadendo, splendorem virtutum & præmia ostendendo, ut laudetur semper Deus Deorum in Sion.

§. 96. *Aduero te per Deum viuum ut nobis edicas, si tu es Christus filius Dei.* v. 63.

Caipham permouit ad hanc adiurationem & quæstionem. 1. obfirmatum Christi silentium utpote, ex quo nullam poterat sumere occasionem condemnandi Christum. 2. insufficiencia testimoniorum, quæ allata erant, unde ipse metu suo ingenio & arte Actor fieri incipit, quæstionem proponit, quā infallibiliter eum capiat vel respondentem vel tacentem, nam si adiuratus per Deum viuum non loquatur, in Deum est contumax cui deferre nolit; si loquatur & dicat non sum F. Dei, haber Caiphas intentum, nempe negantem quod alias asseruerat; si dicat ita: blasphemia reus erit: proponit igitur num sit Christus filius Dei viui. Hic enim omnis odij fons in Christum quod pauper & plebeius cum æstimaretur, pro Messia tamen, quem illi opulentum & potentem expectabant: nec non pro filio Dei se confiteretur. Quid ad hæc dices; o Christe? si asseras te esse Christum, reum te læsa Maiestatis dicent, tum ex parte Cæsaris quem solum agnoscunt Regem, tum ex parte Messiae quem adhuc venturum expectant: si insuper Dei filium, blasphemum te clamabunt, ponenter plures Deos. Negas? in promptu testes aderunt quibus conuincatis quod pro Christo gesleris te & Dei filium dixeris. Undique insidiae.

Domine, absit à me obsecro omni tempore, ut velim ob quamcumque causam adiurare proximum, maxime ad circumueniendum eum. Cum non decear, ut qui vult secundum Euangelium vivere, adiuret alterum: sed nec ad juramentum, nisi gravi de causa Iudicibus probata, præstandum: Quod si res ita postulet, ut ad rei magni momenti cognoscendam veritatem, aut auertendum malum, juramento sit opus, jurem verum, necessarium, & reuerenter; & si alios adiurem id præstem juxta Ecclesiæ sanctæ Dei præcripta, ad gloriam Dei & bonum publicum, ut minister Ecclesiæ.

§. 97. *Dixit illi Iesus: tu dixisti.* v. 64.

Ecce nunc respondet Iesus, sed mirabili loquendi forma plena sapientia, plena virtute: prætendit Ponit ex scire an ipse corā stans esset Christus filius Dei

Dei, & Respondet ei: Tu dixisti, quid est hoc? quantum capio, quantum sapio, multum dicit, sic loquendo Dominus meus Iesu: nam iste Caiphas ipse est, qui nuper dixerat, *Expedit unum mori pro populo, ut non tota gens pereat;* ipse est qui figuratum gerens pontificatum modo contra Leges omnes Pontificias & decorum, sedem suam deseruit, a surrexit vero Pontifici nostro Christo, quid igitur mirum si Christus ei sic responderet. Tu dixisti. O Christe Rex & Pontifex æterne bonam confessionem confessus es: jam venerat hora qua te aperte sub contestatione diuini nominis mundo palam proderes, quis essem, ut Iudeis & toti mundo omnem tolleres excusationem: ne quis postea dicere posset, se non audisse claram Christi confessionem, ut credere posset, esse ipsum Messiam. Quia ergo in hac quæstione vertebaratur cardo salutis nostræ (hoc enim ab omnibus sciri & credi oportebat, qui salvi esse vellent) confessus est se simul, licet cum manifesto vitæ suæ periculo, ob Romanorum & Iudeorum offensionem, & simul ipsum Pontificem piissime in suo scelere instruxit, ut intra se respiciendo non iret sese perditum, sed misericorde & cæcus errare perrexit.

Ego vero credo mihi Deus, credo te verum esse Messiam, qui venisti in hunc mundum, ut omnes saluos faceres, qui inuocant nomen sanctum tuum. Inuoco ego & agnosco te, mihi Iesu, doce me ergo facere voluntatem tuam, & honorare superiores Ecclesiæ sanctæ tuæ & patrem tuum in cœlis qui honorasti Pontificem in terris, iam suamet malitia exauthorandum, iniquum, & dyabolum, ita ut ad petitionem eius responderes ei, quis essem, ut nos te cognoscerimus filium Dei viuentis, & honorem patris tui æterni declarasti, ut nos doceres etiam cum vitæ periculo veritatem fidei non negare, sed defendere, cum ita ratio & necessitas juberet.

s. 98. Veruntamen dico vobis à modo videbitis filium hominis sedentem à dextris virtutis Dei, & venientem in nubibus
cœli. v. 64.

Pergit confirmare quod dixit, cum ut clarior esset confessio suæ divinitatis, & plenior malorum iudicium instructio, his verbis: *Veruntamen dico vobis &c.* quasi diceret: Videor nunc vobis de filio Dei nihil profus habere, qui hic sto ante vos humiliatus nimis vincitus catenis, ab omnibus derelictus, irrisus, contemptus, vilis, pauper & inops: nolite tamen aspicere præsentem statum meum, sed aspicite futurum: veniet enim tempus quo rursum me videbitis, sed in maiestate, non ut modo in humilitate, sedentem à dextris Dei, id est, parem cum Deo gloriam habentem; venientem item in nubibus